

*F̄eſu Mecum Gratia!*

# OSSA GIGANTUM,

*Cum Consensu Ampliss. Facult. Phil.  
Aboensis,*

PRÆSIDE

*VIRO CL.*

# Mag. ALGOTHO A. SCARIN,

*Historiarum & Phil. Civ. Profess. Reg. & Ord.*

*DISSERTATIONE GRADUALI*

Ad diem 23 Junii ccccxxix.  
publice examinanda  
sistet

# JOHANNES M. GRÅA,

Nylandus.

ABOÆ,

Excud. Reg. Acad. Typ. Joh. Kiämpe.

A très ILLUSTRE, & très  
GENEREUX  
Seigneur, & BARON  
**OTTON  
REINHOLD  
ÜXKULL,**  
GENERAL MAJOR, & GOUVERNEUR  
de la Province d' Abo. de Bior-  
nebourg, & d' Alande.  
Ode dedicatoire.

**F**ort incertain à qui faire ma Dedicace,  
En revant l' autre jour à l' ombre du Parnasse;  
Minerve vint Soudain me tirer d' embarras,  
Et me tint ce discours, que je n' oubliai pas.

S:æ R:æ M:tis  
MAGNÆ FIDEI VIRO,  
*REVERENDISSIMO in CHRISTO*  
PATRI ac DOMINO,

# Dn. LAURENTIO TAMMELIN,

Inclitæ Diœcœseos Aboënsis Episco-  
po eminentissimo, Regiæ ibidem A-  
cademiæ PRO-CANCELLARIO Magni-  
ficentissimo, Scholarumq; per totam  
Diœcesin EPHORO adcuratissimo,  
nec non venerandi Consistorii  
Ecclesiastici PRÆSIDI gra-  
vissimo,

*Mæcenati Maximo.*

**M**axime Mæcenas, nostratis gloria gen-  
tis,  
Cleri Fennonici Dux, Columeng; sacri.  
Musarum Antistes, nec non pars maxima Pindi  
Grande Decus nostri deliciumq; chorii.

Na-

*A un Heros couvert des Lauriers de la guerre  
Qui, contre les Geans, a lancé le tonnerre ,  
Terrassé l'ennemi, est dû un tel honneur,  
Son Nom doit honorer, & le livre, & l'a-  
theur.*

*Brave, & vaillant Seigneur, ému d'un tel  
langage,  
J'ose Te consacrer un si petit ouvrage,  
Quoiqu' étant déjà Gris sur le mont des Neuf  
Soeurs ,  
Je sente rarement de Phebus les douceurs .*

*BARON, si jusqu'ici, par un trait de prudence ,  
J'ai demeuré pour Toi dans un humble silence ,  
Ce n'est pas que mon coeur, vainement suspen-  
du ,  
Balance pour T'offrir un encens, qui T'est dû.  
Je ne m'aveugle point, d'une vaine manie ,  
Mais mesurant mon vol à mon foible genie ,  
Je laisse celebrer, & Ta gloire, & Ton Nom  
A ceux qui sont doués des faveurs d' Apol-  
lon.*

*De votre très Illustre, & très  
Generoux Nom*

*le très humble, & le très dévouée  
serviteur*

oo  
**JEAN GRAA.**  
*Fils de Martin.*

Natio nostra TUO jam manere leta superbit,  
Lætitiam semper comprobat usq; suam.  
Te dictisq; colunt cultores Palladis omnes ,  
Nominis usq; adeo mentio grata Tui est.  
Munere nam tanto felicia secula nobis,  
Spondes, atq; animis credula vota foves.  
Gratulor insignes, quos jure mereris honores,  
Et, capias felix præmia magna, precor.  
Sic reducis, mea Musa pias se sistit ad aras ,  
Ausa tenella Tuos sollicitare lares :  
Ut que per longum tempus documenta favoris,  
Expertus Pater est, hæc pareantq; mihi.  
Qui Tibi se vincit nulli pietate secundum ,  
Pectore TE calido tempus in omne colet :  
Devoto Numen fidog; precabitur ore ,  
Itt bene succedant hinc quog; cuncta TIBI !  
Vive diu Patriæ, Mæcenas, vive Camœnus ,  
Vive Tuis columen, præsidiumq; bonis !  
Emerito tandem cum lux venit ultima vita ,  
Cæli tum summi lucida tempta pete !

## Reverendissimæ Tuæ Paternitatis

Devotissimus cultor

JOH. M. GRÄA.

REGIÆ ACADEMIÆ ABOENSIS  
*MAGNIFICO Dn. RECTORI,*

Nec non

Ceteris omnibus omnium Facultatum PROFESSORIBUS celeberrimis, Maxime Reverendis, Consultiss. Experientiss. Amplissimis. que Viris ac Dominis, Mæcenatibus ac Patronis æstumatissimis, & omni anni veneratione æternum collendis, prosequendis,

*V*oso! Aonii splendentia Lumen pindi,  
Ex quibus innocuae bibimus virtutis amorem,  
Parva Thalia petit de Vestro lumine  
tingi,  
Atq; adit à Vestris titulis sibi poscere lumen;  
Haud secus ac Phœbe utilo Titane coruscans;  
Suseipite o! faciles, tenuis munuscula chartæ,  
Sumi-

Sumite quæ Vobis offert jam parva  
Thalia;  
Quamvis non deceant, nisi grandia mu-  
nera magnos;  
Eſte tamen faciles, oculisq; animoq; fabe-  
te:  
Ipſa preces castas faciet, votumq; peren-  
nus,  
**VOS** Deus omnipotens multos conſeruet  
in annos.  
Vivite Nestoreæ per tempora longa ſenecta,  
Vivite felices, ſint Vobis proſpera cum-  
eta!

Maximorum Nominum  
Vestrorum,

Cultor & cliens  
humillimus

JOH. M. GRAA.

VIRO

Maxime Rever. atq; Ampliss. Domino,  
Mag. GEORGIO HELSINGIO,  
Diœcœs Borgoënsis Archi-Præposito ton-  
ge dignissimo, Ven. Confis. Ecclesiast. Ad-  
fessori primario gravissimo.

VIRO

Admod. Rever. ac Præclarissimo Domino,  
Mag. JEREMIAE WALLENIO,  
Paltori in Wemo & Lokalax meritissimo,  
& adjacentis districtus Præposito  
vigilantissimo.

VIRO

Nobilissimo atq; Amplissimo  
Dn. SAMUELI FORSEEN,  
Secretario Provinciali sollertissimo,  
Laudatissimog.,  
Patronis atq; Fautoribus astutissimis,  
Propensissimis.

**O**B singularem conjunctionem &  
amicitiam, quam cum Parente  
carissimo diu coluistis, nec minorē  
mihi præstitum favorem, rudes hasce  
pagellas, Vobis, quoq; Patroni optimi,  
cum spe ulterioris benevolentiae, nec  
non omnigenæ prosperitatis voto of-  
fert & dedicat,

*Nominum Vestrorum*

*Cultor observantissimus*

*Auctor & Respondens.*

**Synopsis.**

CAP. I.

§. I.

**O**ccasionem argumenti indicat, & viam ad dicenda pandit.

§. II.

Nonnullos, qui existentiam gigantum negarunt, recenset.

§. III.

Existentiam gigantum ex S. Scriptura probat.

§. IV.

Testimonia historicorum varia, in eandem sententiam, affert.

§. V.

Terram gentium Scandanarum gigantum prope patriam fuisse contendit.

§. VI.

In caussas giganteæ naturæ & molis inquirit.

CAP. II.

§. I.

An oīsa illa quæ apud auctores habentur gigantea talia sint, an vero aliorum animalium inquirit.

§. I

§. II.

Varia gigantum ossa in aliis atq; locis effossa recenset.

§. III.

Multos circa ejusmodi ossa errasse ostendit.

§. IV.

Quo minus gigantea promiscue habentur, varias dubitandi rationes affert.

§. V.

Naturae mystagogis solertissimis non omnibus, pro giganteis haberri commemorat.

§. VI.

Eorum rationes, qui eadem mineralis prosapia esse existimant, examinat.

§. VII.

Quo modo ossa hecce in viscera terre pervenerint, inquirit.

§. VIII.

Probabilissimam dicit esse sententiam, ossa illa, quocunq; loco reperiantur, universalis diluvii reliquias & monumenta esse.

§. IX.

Finem tractactioni imponit.

PROOE-

Σὺν τῷ Θεῷ.

## Proœmium.



Ccasionem argu-  
mento de *Gigantum*  
*Ossibus*, in quo elab-  
orando præsen-  
tem operam & o-  
leum insumerem, præbuit *Historia Augus- tæ* scriptorum facile Princep C.  
Suetonius Tranquillus, qui res ab Augu-  
sto Cæsare gestas percensens, inter alia  
perhibet; Principem hunc prætoria  
sua excoluisse non tam statuarum, ta-  
bularumque pictarum ornatu, quam xystis  
& nemoribus, rebusque vetustate ac ra-  
ritate notabilibus: qualia sunt Capreis  
immantium belluarum ferarumque mem-  
bra prægrandia, quæ dicuntur *Gigantum*

A

osse

ossa, & arma Heroum. (a) Et si quidem multi hodie sunt, ac olim fuerunt, qui ejusmodi ossa prægrandia, in aliis atque aliis locis effossa revera pro ossibus Gigantum venditare non dubitant; alii immanium terrâ marique degentium belluarum exuvias; alii denique ex recentioribus præsertim, concretas in terræ visceribus mineras & lusus naturæ subterraneæ pro animalium ossibus falso venditari contendunt; arridere cœperunt hæc studiorum humaniorum, ut ita dicam, condimenta præ aliis, mihi, utpote quæ nec fastidio Lectorem adficerent, ut trita & vulgaria solent, nec affectatæ novitatis suspicione offenderent. Ego vero licet propter temporis angustiam, & nimis tenuem rei librariæ supellectilem omnia exasciare, & ad vivum resecare non potuerim, quæ ad tuendam egregie provinciam, quam aggressus sum, facere videntur, expectationem & operam benevoli cuiusque Lectoris non prorsus tamen memet lusisse existimabo, si modo ulte-

ulterius de his cogitandi, in materiam hancce inquirendi, & meditationes suas his matuiores in lucem publicam edendi, occasionem subministravero; spem fovens certam, æquum Censorem, hæc, quæ in præsentia festinanter a me afferri poterunt, æqui bonique consulturum. Anthropomastigas vero & clancularios calumniatoros, nigris salibus, etjam honestissima quæque identidem perfricantes, (quælium fœcunda admodum ferrea hæc ætas,) qui cum libidinum quarumcunque suarum servi ipsi sint, carpunt ea tamen, quæ vel non intelligunt, vel præ invidia sua ferre non possunt, *Socratica* patientia, instar latratus minorum canum, per Divinam gratiam, securus, & incolumis despicio, suoque furori & licentia aliis insultandi non ignorantæ eos relinquo, probe gnarus cum ipsis plane comparatum esse, quemadmodum canit Poëta:

*Invidus invidiâ consumitur intus & extra.  
Non deerunt certe qui cum nil edere possint,*

*Diz.*

Dignum laude, tamen gaudere maledicere  
semper,  
Carpendisque aliis, famam venantur  
inanem.

Sed ad propositum devenio.

(a) Lib. 2. Cap. 72.

## Caput I.

### §. I.

**G**igas communiter dicitur homo  
staturæ & molis supra commu-  
nem humanæ magnitudinis mensu-  
ram, nimium quantum proiectæ :  
sicut Nanus de hominis statura, infra  
communem aliorum hominum ma-  
gnitudinem admodum multum de-  
pressa accipi solet. Scilicet ut pul-  
chre Poëta :

Monstra, Gigas, Nanusque, duo contra-  
ria formis;

Vir Gigas immanis; Nanus inanis ho-  
mo. (a)

De priori genere vero, & Gigantum os-  
fibus dicturo statim in limine quæstio  
incidit; an unquā exstiterint ejusmo-  
di hominū prodigia, in primis cum  
quæ de iis narrantur plurima, fabulas  
sapere videantur & aniles ineptias,  
qui-

quibus cum veritate admodum non multum commercii intercedit? Certe non diffitendum, antiqui & recentis ævi claros existisse viros quam plurimos, qui eorum existentiam prorsus negarunt, & narrationes de illis nihil habere solidi putarunt, imo famam de illis omnem, ceu absurdam, & quæ meram antiquitatis fabulandi licentiam prodat, derident, saltem ut dubiam in medio relinquent. Ex nostratis præsertim *Freinshemius* (b) existimat, quidquid Græci veteres de *Hercule*, de *Æacidae*, *Atridis*, *Turnis*, aliisque gigantea mole & robore præditis olim tradiderint, eodem, quo Septentrionalium historicorum incredibilia de *Starcateris*, *Ogeriis*, *Rolandis*, *Hildebrandis*, *Rogerius*, *Theodoricis* aliisque, id est nullo loco, plane habenda esse. Cum populari & antecessore suo *Schefferus* quoque consentit, cum *Starcateri* fortia & divinam plane virtutem spirantia facinora, propter vetustatem, fabulis propiora affirmat. (c) Quid? quod *Strabo*, referente Jo:

*Schil-*

*Schildio*, (d) multa de *Pblegreis* in Italia campis, ac re ibi cum gigantibus gesta, fabulatur: quæ non aliunde videntur orta, quam quod eam regionem, ob soli virtutem, multi sibi temporibus *primis*, quibus colonos admittere cœpit; certatim vindicatum iverint. In *Actis Eruditorum Lipsiensibus* (e) recensetur oratio quoque apud exteros nuper habita, in qua auctor nempe *Theodor. Ryckius Prof. Leidensis*, veterem & receptam de gigantibus opinionem evertere conatur; adeoque immensa molis homines a Poëtis & Historicis, à Judæis etjam & priscis ecclesiæ Patribus creditos traditosque nunquam exstisso adseverat, cum ultra sex septemve pedes nunquam fere homines excrescant; neque natura hoc nostro magis quam Patrum ævo effæta viribusque defecta pumiliones non justæ staturæ progeneret. Ut *Job. Goropium Becanum* (f) *Kircher.* (g) aliosque, (h) qui eandem cum modo adductis, tibiam inflant, ob propositam brevitatem & temporis angustiam, silentio involvam. (a)

(a) vid. Joh. Zahn Specula Physico-Mathematico-Historicæ, Tom. 3. Cap. 9, §. 1.  
 pag. m. 64. (b) In binis Orat. Lips. habiti-  
 tis- (c) Memorab. Svet. Gent. cap. 15. n.  
 4. (d) In not. ad Svet. Lib. 2. cap. 72. p.  
 m. 268. (e) Anni 1684. Calend. Novem-  
 br. pag. 489. (f) In Gigantomachia  
 sua (g) In Mundo subterr. secl. 2. qu.  
 2. conf. Morhofii Palyhistor. Philos. liba.  
 2. part. 2. Cap. 1. pag. m. 281.

(b) Keisler. Antiq. select. II. cap. 6. §. 4.

## §. II.

**P**ollicem sententiae tot clarissimo-  
 rum virorum auctoritate adstructæ  
 ego præberē facile, nisi graviorum  
 pondera argumentorum obstante,  
 permoverentq; penitus ad assentien-  
 dum iis, qui exstitisse olim tales ho-  
 mines pluribus assertum ivere. Quā-  
 vis à non paucis eorum quoque statim  
 digrediamur, qui universas gentes,  
 diversis in locis, in eandem proce-  
 ritatem excreuisse statuunt; præ-  
 fertim temporibus antediluvianis,  
 quibus majore generandi præroga-  
 tiva homines donatos fuisse jactant.  
 Nos ad sequendum eorum castra,

qui

qui pro existentia gigantum pugnant,  
in primis commovit auctoritas & in-  
dubitata veritas *Divinorum Oraculorum*,  
quæ gigantum, orbis antediluviani,  
expressam faciunt mentionem. Gi-  
gantes autem erant super terra in die-  
bus illis, verba sunt divinitus inspi-  
rata Legislatori & Historico omni-  
um antiquissimo pariterque fide di-  
gnissimo. (a) Ne quid de filiis *Ena-*  
*kim* dicam. (b) Og Rex Basan de stir-  
pe Gigantum, ejusque lectus ferre-  
us in *Rabbath*, novem ulnas longus,  
& quatuor latus ad mensuram cubi-  
ti virilis fuisse prohibetur. (c) Præ-  
cipuum vero est exemplum *Goliathi*,  
ex Philistæis oriundi, quem sacer-  
vates 6 ulnas cum palma longum,  
& clypeum aureum 5000 siculorum,  
hastam 600 siculorum ferri gestasse  
memorat. (d) Omitto alia, quæ pas-  
sim prostant, loca in sacro codice, iti-  
dem pro gigantibus pugnantia, cum  
hæc ad conciliandam nostræ senten-  
tiæ fidem omnino sufficient: quip-  
pe quorum, nisi gigantea & inusita-  
ta plane statura hominum fuisset,

inter

inter humanæ naturæ prodigia plane non relata fuissent, neque lectorum & clypearum & ceterorum armorum, ceu rerum inusitatarum tam accuratam mentionem fecissent Sacre Pandectaræ.

- (a) Gen. Cap. 6. v. 4. (b) Num. 13. v. 29. 33. 34. (c) Deut. cap. 3. v. 11. (d) 1. Sam. 17. v. 4. 5. 7. Conf. Gen. cap. 10. v. 8. 9. Deut. cap. 2. v. 10. 20, 21. Amos. cap. 2. v. 9. 2. Sam. 21. v. 16. 18.

### §. III.

**D**einde nisi mendacii arguere velimus omnium pene gentium historicos non antiquiorū modo, sed & recentiorum temporum, qui hominum inusitatæ proceritatis mentionem faciunt, hac & alia plaga orbis enatorum: quæ nomina, genus & bella, prodigiis ab illis robore, gesta memorant. In summa nisi ea omnia, quæ nostris oculis non obvenire, in dubium vocare velimus, necesse omnino homines ejusmodi inuisita-

ulitato robore præditos & fuisse, &  
naturæ conditioni quoque conveni-  
enter esse potuisse, agnoscamus. *Her-*  
*culem* prætereo inusitatæ ömnino pro-  
ceritatis & roboris, clavâ armisque  
adversus inimicos tanti ponderis &  
gravitatis utentem, quantam ad pu-  
gnas ciendas ægre vibraret, nedum  
terra levarer, hominum, qui nunc  
sunt, robustissimus quisque. Taceo  
labores, ærumnas, & gigantes alios  
in annalibus veterum recenseri so-  
litos, incredibili virtute & robore  
ab eodem confectos & internecio-  
ni datos: quorum recensioni ope-  
rum, quanquam nonnihil fabulosi,  
in gratiam & delectationem legen-  
tium, more suo Poëtas admiscuisse  
nullus sit, qui non agnoscat, con-  
fitendum juxta tamen, nisi in rerum  
natura exstitissent gigantes, tam o-  
perosam non a Poëtis, nedum ce-  
teris historicis vetustissimis, eorum  
& rerum ab ipsis gestarum factam  
fuisse commendationem.

## §. IV.

Porro qui Septentrionalia, Scotica Hispanica, Gallica, Danica, & ceterarum gentium chronica vetera evolverit, *cui* in recentiorum populorum annales introspicere otium fuerit, præcipue regionum Americanarum, ante 200 annos saltem occupatarum, inveniet, eodem modo, quo Israëliticis exploratoribus terræ Canaan, robustissimæ proceritatis viri indigenæ obviam venerunt: Ita exploratoribus Hispanis in Americanas oras præmissis sese quoque obtulisse homines monticolas decem aut undecim pedes longos, *Patagones* dictos, qui conjectis lapidibus scaphas adventantium littoribus prohibere aggrediebantur. Cujusmodi monstra hominum, circa freti Magellanici littora, ante quatuor lustra omnino sibi obvenisse testatur in itinerario suo quoque Vodenus Rogerius: Gigantes, inquit, tantæ magnitudinis se nobis offerebant, ut Europæi mediocris statuta vix cingulum eorum capite contingat

tingerent. (a) Item perhibet Historia Gallica, ante ducentos circiter annos, tempore Francisci I:mi Regis fuisse hominem in agro Burdegalensi tantæ proceritatis, ut inter crura ejus divaricata, erecto corpore, adspicientium quisq; pertransire posset. (b) Cetera eademque infinita fere giganteæ molis atque roboris hominum exempla, quorum ab Augustino, (c) Ludovico Vives (d) Surio, (e) Jonstono (f) Plinio (g) aliisque crebra mentio fit, sciens, vidensque prætereo, ne extra oleas divaricem, Lectorisque in summam tantum eorum argumentorum, quibus probatur existentia gigantum intenti, exspectationem, opera inutili & supervacanca fallam.

## §, V.

(a) vide acta Erudit. Lips. Anni 1717.  
pag. 132. (b) Adisis Caßanion de Gi-  
gant. cap. 6. quem & Rupert. in  
Observat. ad Vel. Patercul. lib. 1.  
Cap. 5. pag. m. 40. citat. (c) in de  
Civitate Dei lib. 15. cap. 9. pag.  
m. 821. (d) in notis ad dicitum lo-

cum. (e) a Zahn citat. in Specul.  
*Physico-Mathematico-Historico*,  
 Tom. 3. cap. 9 ubi multæ de Gigant.  
*Hist. recensentur.* (f) in *Thaumatol.*  
*Clas. 10. cap. 4. art. 1.* (g) *Hist.*  
*Nat. lib. 7. cap. 16.*

### §. V.

**Q**uod terram hanc gentium *Scandinavarum* attinet, eandem gigantum prope patriam fuisse olim, non ipsum modo nomen *Svethiæ borealis*, *Goutenheim*, satis superque innuit, sed testantur annales quoq; præcipue vero opera, quæ oculis etiamnum visuntur, prodigiosa valde. Et quia mensuram communis fortis humanæ exsuperant, ab hoc hominum genere confecta, si non ad miracula confugere velimus, necesse est nobis persuadeamus penitus. In illis operibus, *Saxone Grammatico* teste, eximiæ magnitudinis saxa apparent, veterum bustis atque specubus advoluta: quæ si monstrosa vicumulata negare quisquam sustineat, ille montium quorundam excel-

sa suspiciat, dicatque si callet, qui  
eorum verticibus cautes tante grandita-  
tis invexerit. Inopinabile namque qui-  
vis miraculi hujus estimator animadver-  
tet, ut molem super plano minime vel  
difficile mobilem, in tantum montanae sub-  
limitatis apicem simplex mortalitatis la-  
bor, aut usitatus humani roboris cona-  
gus extulerit. (a) In illum vero locum  
Stephanus Job. Stephanus ita commen-  
tatur: Qui obstinate negant, vasta qua-  
dam corporum mole, & extra communem  
sortem, proceræ staturæ homines olim, &  
principue in Dania, cæterisque regnis Bo-  
realibus, existisse; conanturque omnia,  
quæ non solum in profanis, sed etiam  
Sacris Literis de gigantibus leguntur,  
nunc figmentorum poëticorum nomine,  
nunc per allegorias physicas, interdum  
etiam morales, eludere; næ illi cum ra-  
tione insaniunt, nec magis sapiunt, quam  
beno olen, qui in cutina habitant, ut cum  
Petronio loquar. (b) In Hervarar Saga  
multa passim de gigantibus haben-  
tur: utpote hæc: För än the  
Turkar och Asianer komme hijt i Nor-  
landen, bygde och besuto theſe nordiske  
Landſkapen Resar och somt half Re-  
ſar

sar. Resarna togo sig hustrur ur manhem (Sverige) somme gifte och tige sina döttrar. Et paucis interjectis; Arngrimer het en Nese och Bergboe Hergrimer war starker som en Jätte.

(c) Quam plurimi alii ibi quoque nominantur, ut; Rollo, Doffro, Alus-dreng, Thuharna, Storwerder, Alfhilder, Grimmer, Andgrimer, Starskoter, &c. cuius inusitatam magnitudinem, robur, frugalitatem, & armorum adversus hostes dexteritatem cum in annalibus vetustis gentis nostræ legimus, Græcorum Herculem, hisce borealibus terræ locis, vixisse, cum Rudbeckio nostrate, sibi quisque facile persuadere posset (d) Et quod non leve momentum habere arbitror ad probandam existentiam olim hominum inusitati roboris atque virium: non inscriptiones modo Runicorum lapidum mentionem faciunt pugnarum in munitis habitaculis eorum Jättesfugur habitarum, sed supersunt hodienum plurimis Svethiæ locis quoque ejusmodi munita gigantum domicilia. Finde

de & relatione Præsidis Cl: cum in  
memorato Svetonii loco lectioni-  
bus publicis illustrando, versaretur,  
in insula BondArnō Meleri lacus,  
juxta prædium Arnōberg (posseſſio-  
nis hodie Nobiliss. Fāiliæ Heerdhiel-  
mianæ) duæ ejusmodi giganteæ mu-  
nitiones sibi invicem in vicinia op-  
positæ comparent, circularis formæ  
plane, & congerie lapidum vastis-  
simæ molis, murorum instar inclusæ.  
Quales moles demoliri cum hodi-  
ernis horinibus, quamvis instru-  
mētis mechanicis egregie instructis,  
prope in possibile sit, facile quis-  
que consentiet sine mechanismo,  
(cujus rudis plane vetustas, præ-  
fertim Septentrionis) ad easdem ex  
diversis locis convehendum, in al-  
tum evehendum, & lapides alium  
super alium componendum Hercu-  
leâ vi & giganteo robore plane o-  
pus fuisse. Interim non casu, sed  
substantiarum rationalium artificio  
coaluisse, aditus quibus utrinque a-  
periuntur, figura, symmetria, &  
multa atia non obscure significant  
in-

indicia. Nec nostram *Finlandiam* antiquis temporibus gigantum expertem fuisse, credibile est; siqvidem multæ non tantum narrationes, cantilenæ & rythmi, vulgo *Qunor* dicti, etjam apud infimam plebem de iis copiose habentur, sed etiam multa ejusmodi monumenta, qualia in *Svetbia* modo esse diximus, heic variis in locis conspiciuntur. Apud *Cbr. Wormium* (*e*) *Finnbogi* cujusdam mentio fit, eo euntis, ubi lapis terræ firmiter infixus fuit, quem eruit, licet aliis impossibile videtur tantæ magnitudinis lapidem tollere. Quid? quod eidem duos item grandes lapides imposuit, omnesque pectori impositos per aliquantum spatii portavit, & dehinc tanta vi terræ impegit, ut grandis ille lapis non minus duabus ulnis, terræ immergetur. Et ne nostram ætatem a virtute & robore majorum degenerasse quis existimet, in *Basilica* nostræ urbis cathedrali, cadaver nobilis prosapiæ Kurckiorum perpetuæ etiamnum visitur, ante 50 circiter annos emortui, proceritatis

4 ulnarum circiter , tantiqve robo-  
ris olim, ut cum exercitatissimo la-  
nista pugnans ad omnes ejus insul-  
tus artificiales cunei instar immobi-  
lis steterit. Ne qvid de muliere illa  
ex Belgis dicam , ejusdem , si non  
grandioris staturæ , qvæ pro nu-  
merato certo pecuniæ pretio , se-  
haud ita pridem Holmiæ , aliisque  
*Svetbiæ* locis conspiciendam præbuit:  
Neqve de Ossibus illis deniqve , qvæ  
ex relatione nuperâ viri fide dignis-  
simi in coemeterio *Alandorum Fogel-*  
*ßenfi* , nec non *Nerpensi* in Ostro-  
bothnia servantur , suisque spectato-  
ribus admirationem quoqve incute-  
re perhibentur.

(a) In *Præf. Hist. Dan.* pag. m. 4.

(b) pag. m. 27.

(c) *Vid. Cap. 1.* atqve in illud not. *Verelii.*

(d) *Vid. Atlant. Tom. I. Cap. 33.*

(e) *Dissert. de Aræ multiscii vita* , ubi ex  
Finnabogi *Ramma Saga* hæc verba,  
qvæ excerpimus , veterè lingua Gothica  
leguntur.

*Conferri in hanc rem quam maxime me-*  
*rentur Loccenius in Antiquit. Sveo-*  
*Gothicis*

Gothic. lib. 2. Cap. 25. Olaus Magnus  
*Histor. Septentr.* lib. 5. fere integro.  
*Et Colleg. Histor. Mscr. Reverendiss. Go-*  
*thoburg. Episcopi Benzelli Cap. 5. §. 7.*  
*aliorum brevitatis causa, egregiae te-*  
*stimonia adducere supersedeo.*

### § VI.

**S**ED inquies? si exstitissent olim tam inusitatæ molis homines, qui fit, quod nostra memoria rarius & forte nusquam conspiciantur. Neque enim facile patientur philosophiæ naturalis mystagogi debilitatem mundi senescentis incusari, quasi minora hodie quam in adolescentia sua, corpora producat? Verum respondemus: exilem magis tenuiore quam olim, hominum nostri seculi staturam non negamus, senescenti autem mundo, aut universali cuidam in occasum vergenti decursui, quæ nonnullorum est sententia (<sup>a</sup>) eandem tribuere non est opus. Qvod si enim, quæ olim, hodienum quoque ea educationis esset asperitas, quæ ad magnitudinem

corporum, firmitatem artuum ac  
 lacertorum, magnum momentum  
 affert: si non hodie magis, quam o-  
 lim, juvenes virginesque ad nuptias  
 festinarent, si insuper etiam insana  
 comissandi bibendiisque luxuriae ge-  
 nitalem vim hodie non corrumpe-  
 ret, quin nostro aeo ad eandem,  
 quam antiqui, proceritatem & virile  
 robur homines ex crescere, nullus  
 dubito. Temperantiae igitur & fruga-  
 litati & vitae modo, apud veteres mul-  
 to, quam apud nostrates liberiori, a-  
 deoque salubritati corporum, moles &  
 robur illud membrorum humanorum  
 potius tribuenda. Cum enim nutri-  
 mentis lacteis viverent, cibos minime  
 delicatos, vim genitalem admodum  
 corruptentes sectarentur, venatio-  
 nibus & quotidianis corporis exerci-  
 tationibus indulgerent, insuper in  
 summa libertate quaecunq; agerent pro-  
 lubitu, neque litterarum studia, quae  
 longam profundam ut meditatio-  
 nem requirunt, ita spiritus & vires  
 a corpore ad animum & cerebrum  
 derivare solent, adeo impense cu-  
 rarent; hinc factum quoque, ut in

tan-

tantam proceritatem veteres adoleverint, quantam exilitatem nostra corpora luxū aut labore enervata vulgo præferunt. Quare etiam longinquitatis vitæ antediluvianæ non aliam caussam esse censemus, quam quod temperantissime vixerint homines, nec naturam varietate epularum debilitaverint, sed herbarum & olerum vi succulenta corpora curaverint. (b) Certe roboris & salubrioris vitæ majorum, non aliam caussam agnoscit medicus & Poëta gentis nostræ haud ita pridem ingeniosissimus Doctor Johannes Linderstolpe, (c) dum dicit: oþ tror jag, at thet latteligen kan stå at beswisa, thet the gamble Swenskas långlifhet, genom ingen ting år så mycket förkortat worden, som genom the Indianiske knappenålar, jag menar Peppar, Ingefär, Canel, Neglifor &c. Cetera quæ seqvuntur in hanc sententiam, apud auctorem quam maxime digna sunt, quæ item legantur & observentur.

(b) Vid. Buxtorfii Dis. de etat. prim. Pat. p. 42, nec non Dissert. de Macrobiis hab. Ups. A. 1722, §. II. seq. conf. Plin.

*Plin. lib. 2. Cap. 53. (c) in Cogitationibus de Scorbuto pag. 23.*

CAPUT II,

§. I.

**P**robata sic existentia gigantum, cum ex variorum auctorum testimoniis & operibus etiamnum residuis, tum quoque exuviis plurimis, iisdemque diversissimis terræ partibus reperiri solitis, status quæstionis hic porro considerandus venit: an illæ omnes exuviae, quæ apud memoratos auctores habentur giganteæ, gigantum sint, an vero aliorum animantium? Qvod cvidem universaliter neque affirmare neque negare possum. Quid de ornamentis illis antiquitatis, puta prægrandibus animalium membris, quibus palatia & secessus suos æstivos Augustus Cæsar instruxit, Svetonius senserit, cuivis verba illius non fugitivo oculo adspicienti facile patet: nimirum quemadmodum milites strenui non omnes *Machæroplaciæ Thrasones*: ita gigantum ossa non omnia, in quæ veteratoria incidit vanitas, & quibus superstitione creduli-

duli deinde non ipsis sibi modo, sed & aliis quoque audacter & strenue ludificati sunt. Interim cum multa a multis scriptoribus enumerantur gigantium ossa e terra effossa, ne cuiusquam auctoritati juvenis ego temere obstrepere velle videar, ex illis, quorum in erudito orbe minus est solicitata fides, nonnulla saltem afferam exempla.

### §. II.

**J**oa: Zahn Physicus & Philosophus superioris ævi diligentissimus ex variis auctoribus exempla multa congerit, quæ inter eminent seqventia:  
 (a) In superiori Lydia, haud magnam videri urbem, ait, quæ Tameni Porta dicitur; ubi ambeso tempestatibus sepulchro, Adriano imperante, ossa fuerint detecta, quæ nisi humanorum ossium figuram retinuissent, propter magnitudinem, nemo ea hominis fuisse, ut crederet, facile adduci potuisset. Tradit Joannes Boccacius (b) sua ætate rusticos quosdam in Sicilia prope Drepanum fodientes incidisse in gigantis cujusdam cadaver, quod leva con-

tum

tum teneret, navis cujusdam malo  
majorem; qvo in cineres, ut fieri  
solet, statim soluto, plumbum, qvod  
conto inerat, plusquam mille &  
qvingentas libras excessisse, dentes  
libras novem, cranii vero partem  
multos frumentos excepisse: unde,  
supputatione facta, credit to-  
tum ad ducentos cubitos extensum,  
& plane Polyphemi fuisse. Henri-  
co III. imperante, anno salutis 1028.  
corpus giganteæ molis incorruptum  
in sepulchro Romæ inventum est;  
qvod erectum urbis mœnia supera-  
vit: in cuius pectore, ut inquit Nau-  
clerus, vulnus fuit 4 pedum & di-  
midii: ad caput vero facula ardens,  
epitaphiumque præterea ejusmodi  
inscriptum:

*Filius Evandri Pallas, quem lancea Turni  
Militis occidit, more suo jacet hic.*

Denique ex fide & relatione compi-  
latorum Theatri Europæi, anno  
CICLO CXLV. cum circa festum S.  
Martini Ep. ad Austriae urbem Crembs  
in monte quodam Sveci fossam pro-  
tutela eruerent, ingentis gigantis  
cadaver repererunt, ex quo varia os-  
fa

sa distracta, atqve miraculi & rari-  
 tatis caussa, tum in Sveciam, tum  
 in Poloniā in antiquariis reponen-  
 da, transmissa fuerunt. Dens ex eo-  
 dem ablatus 5 librarum pondus ap-  
 pendisse dicitur, qvi etiam in Colle-  
 gio Soc. Jesu ibidem asservatur.  
 Caput hujus gigantis instar rotundæ  
 tabulæ fuisse, & brachia virilis cor-  
 poris crassitatem habuisse dicuntur.  
 H. Boëthius in descript. Reg. Scotiæ  
 refert, qvod serventur in templo  
 Petre regionis Moraviae ossa cujusdam,  
 per ironiam Little John, id est mino-  
 ris Joannis dicti, quem figura, quanti-  
 tasq; ossium, quatuordecim pedum  
 longitudine fuisse, demonstrant, pari-  
 cum ea crassitudine: Vidimus enim  
 ipsi, inquit, abhinc 6 annis, os coxendicis  
 ipsius, non minus longitudine totius cru-  
 ris humani, crassitudine suræ; cuius in  
 concavitate brachium inseruimus. Qvæ  
 prodigiosa moles fuit, & supra nostro-  
 rum temporum observationem. (c) Plura  
 exempla adducere non vacat, cūm  
 hi e magnæ Matris cimeliarcho de-  
 promti thesauri ad illud qvod in-  
 terest, illustrandum, non vulga-  
 rem

rem contulisse cumulum multis vi-  
deri possint.

(a) *Specul. Physico-Mathematico-Hist.*  
*Tom. 3. cap. 9. (b) in Genealog. refe-*  
*rente ibid. modo allegato Zahn. (c)i-*  
*dem ibidem.*

### §. III.

**P**RÆMISSIS ita variorum auctorum  
 testimoniis de thesauris magna-  
 matris hac illac repertis, porro  
 qvid de illa sentiant alii, qvæ vero  
 maxima se probabilitate commen-  
 det sententia, dispiciendum. Vete-  
 rum simplicioribus, cum regionibus  
 illorum ignotæ magnitudinis ossa  
 ista se improviso proderent, plane  
 non miror pro giganteis habita fu-  
 isse: præsertim cum crebram a pa-  
 rentibus mentionem hominum hu-  
 jus generis, factam sibi pueris cogita-  
 rent. Tantoqve apud animum fa-  
 bula ista locum facilius inveniebat,  
 quanto ab usu & ratione magis a-  
 lienum, qvod maiores sui illum ho-  
 norem habuerint cadaveri animalis,  
 sibi licet cogniti, ut illud terræ vi-  
 sceribus tam alte sepeliverint. In-  
 terim qvod famæ & seculo erranti se  
 acco-

accommo~~d~~averint, cum de rei pro-  
digiosæ indole ipsis nullo modo con-  
staret, non mirabitur quisque con-  
sideraverit mentem & judicium ru-  
dis hominis facillime errare & su-  
perstitiosa in credulitatem falsis opi-  
nionibus viam nullo non tempore a-  
perire solere. Homines, non quadru-  
pedia grandiora modo, sub terra vi-  
vere perpetuo, multos asseruisse no-  
vimus. Pariter de anseribus Scoticis,  
*Bernacæ* ita dictis ex delirantis ani-  
mi sui persvassione incredibilia mul-  
ta multi narrarunt. Nempe cum  
ignorarent, ex qua regione prove-  
nirent, & via naturali fieri genera-  
tionem eorum, quemadmodum ali-  
arum avium per exclusionem ex o-  
vis, varia proinde ridicula atque  
absurda finxerunt; & modo ex spu-  
ma maris, quemadmodum Venerem  
Poëtæ, natos tradiderint, modo ex  
conchyliis Ostreisque marinis in a-  
ves mutatas; imo alii in arboribus  
crescere existimarunt, qua opinione  
viri etiam docti sibi placuere, qui  
hujus rei veritatem ostendere, ac  
multis aliis exemplis in natura ad-  
stru-

struere conati sunt, anteqvam re-  
ctiora edocti fuerunt. (a)

(a) *Conf. Dan. Georg. Morhofii Polyhist.*  
*Philosoph. lib. 2. part. 2. Cap. 44. pag.*  
*m. 434.*

### §. IV.

**V**erum qvo minus receptæ opi-  
nioni assensum per omnia no-  
strum adjicere queamus, qvæ in con-  
trarium nituntur dubia, non levia  
efficiunt. in primis qvod inter  
ossa illa, qvacunque parte terrarum  
inventa fuerint, numero pauciora  
saltem existiterint, qvæ nobilitatem  
generis olim sui idoneis testimoni-  
is vindicare potuerint. Neqve enim  
speciem & figuram humanis exuvi-  
is conformem exacte referunt. Et  
denique ubicunque inveniuntur, ca-  
pitis, cranii, & cetera, qvæ discri-  
men aperte proderent, ossa, modo  
nulla inveniantur; qvippe situ exe-  
sa: modo alias animalis potius qvam  
humanorum ossium figuram refe-  
rant: id qvod in Muschoviticis &  
Thuringicis illis observatum fuisse  
con-

constabit postea. Qvemadmodum sub-  
 stantialibus istis indiciis prope omni-  
 bus destitutum illud accepi skeleton  
 inusitatæ molis , qvod in parochia  
 Vånga , ditionis Vestrogothicæ, an-  
 te lustra qvinque circiter repertum  
 fuit, & inter rariora Nosocomii Up-  
 salensis cimælia hodie servatur , i-  
 pseque sæpius , qvum ibi non ita  
 pridem bonis Literis operam darem,  
 crebro cum stupore intuebar. Por-  
 ro locorum arenosorum , ubi effo-  
 diuntur istiusmodi ossa, habitus in-  
 terior, prorsus in contrarium abit  
 & plus satis ostendit ligure nunquam  
 perfossa fuisse, & aggestione nova  
 terræ iterum iterumqve repleta.  
 Id qvod necessario accidisset, si gi-  
 gas aut alius cujusqve grandioris ani-  
 malis cadaver inibi contumulatum  
 fuisset. Qvippe a viris hujus expi-  
 scandi arcani curiosis observatum  
 plus simplici vice, qvemadmodum  
 in ceteris partibus superficies terræ  
 comparata esse solet: ita ejus qvoq;  
 ubi reperiuntur exuviae istæ, sumi-  
 tatem atra humo qvatuor pedum  
 tectam fuisse: qvam deinde glarea  
     fri-

friabilis, & qvæ in fundo subsidere solet, argilla denique exceperit. Qyod si vero collis iste perfoissus unqvam fuisset, injectoqve animali repletus, non novus solum collis extitisset, sed & alia turbati situs sui naturalis vestigia prodidisset. Neqve enim strata stratis iinposita fuissent, sed omnis argilla, & arenarum genera terræ atræ, omni procul dubio, admixta fuissent, qvem admodum in tumulis, qvi humani artificii sunt, idem qvotidie apprehendimus. Denique cum creaturæ rationalis speciem constituisse qvoqve gigantes, nemo sit, qvi dubitet: & à primis temporibus usqve, qvibus ab oriente in oppositam plagam tendere cœperunt Noachidæ, honorem sepulturæ demortuis suis sancte exsolvisse omnes gentes, præsertim septentrionales, usqve adeo ad liqvidum perducta res sit, ut cadaveribus gigantum qvoqve illum habitum fuisse honorem annales & monumenta artificii humani hodiernum residua aperte testentur: (<sup>4</sup>) verosimile omnino qvoqve, qvod si gi-

gan-

gantum fuerint omnino fragmina ista ossium, humani operis & curæ vestigia, qualia modo innuimus, se locis illis quoque manifestassent.

(a) vid *Celeberr. Loccenius in Antiquit. Sveo-Gothicis Lib. 2. Cap. 25. pag. m. 113.*

### §. V.

**A** Deo postquam argumentis evincere conati sumus non promiscue omnia offa ista pro giganteis habenda esse: interim pro elephanticis habeant nonnulli; utpote de sceleto in Thuringia reperto existimat vir Cl.V.E. Tenzelius: (a) alii mineralis prosapiæ & lusus inter naturæ subterraneæ referant: alii demum quadrupedis cuiusdam ingentis sub terra viventis exuvias esse dictitent, quænam harum conjecturarum se maxima probabilitate comprehendet, de cetero dispiciendum: & quidem fabula de inusitatæ molis animali subterraneo primum excutienda. Legitur actis litterariis Svetlicis (b) integra inserta epistola illustr. Viri Muschovitici Tatischovii ad reverendiss. Ep.

Ben

Benzelium de animali, Russis *Mont* dicto, cuius in Siberiae frigidioribus regionibus ossa inveniantur rarae magnitudinis. Illud ex communi persualione incolarum sub terra degere narrat, & libero aeri expositum interire: quin & viam, ubi in vivis progrediendum aliquo, ossibus duobus cornuum instar prominentibus, sibi patefacere. Cetera quae de magnitudine, nitore albicante, soliditate & usu ossium animalis illius recensentur, utpote ad meum institutum non pertinentia, sciens vidensque praetereo. Quid vero de specie hujus animalis, a ceteris animalibus, naturae adeo diversae sentiant alii, ignotum mihi plane. Interim an hujus generis animal in natura reperiatur, dubitandi occasionem non obscure mihi ipse nobiliss. relationis auctor suppeditat, cum neininem adhuc repertum ait, qui animal integrum vivumque a se visum asserere potuerit. qvid quid de recenti cruento ossium, ex aliorum fide, judicaverit, in epistola non penitus negligendum esse,

se. Qva occasione neqve prætereundum existimamus, nonnullos, cum perfectiora animalia sub terris dari sibi non facile persuadere possunt, ossa ejusmodi ad archæum qvoddam principium referre, qvasi ab aura seminali, cum exhalationibus in terræ poros delata, generata fuerint. Verum cum vis plastica, & ejusmod. principii formatis effectus perinde in obscuro & incerto positus est: adeoqve natura, qvocunqve nomine veniat, non partem unam alteramve sigillatim producat: insuper non semen proportionatum modo, sed & locum generationis commodum requirat: qvin & vis animalis supra terram viventis plastica infra terram se dimittere nesciat, fidem apud naturæ mystagogos, conjecturarū harum aliquva, puta de animali subterraneo & ossium, ex principio archæo, coalitione ægre inveniet,

(a) vide Acta erud. Lips. anni 1697. pag.  
10. seq. (b) anni 1725. trimest. secunda.  
pag. m. 36. seq.

**S**ed dicas; qvod si nullam originis suæ de regno animali tessellam idoneam proferre possunt ossa ista: an non mineralis prosapiæ, petrificationes aliive naturæ lusus sunt, qui pro hominum aliorumve animalium ossibus vulgo venditari solent; siqvidem, experientia teste, integra etiam in cryptis subterraneis variarum rerum qvandoque conspicuntur simulacra; iis non dispuria; qvæ modo *natura* in diverso regno suo, modo humana qvoque excavare solet industria? an non ossa hominum lapidea, & aliorum animalium passim reperere multi? Quid? qvod regni vegetabilis quasdam icones, utpote agros leguminosos, fabis quasi ac pisis consitos alii, alii in cryptis subterraneis ex stelicidiis lapidificis enatarum rerum, qvæ arborum, raparum, panum figuram exacte referrent, mentionem faciunt: & quemadmodum, espresso in marmore Ravennensi monacho hostiam gestante, superstitioni illius

us gentis illudere voluit natura: ita qvoqve aliis qvibuscunqve locis in fингendis mineris, qvin eandem, certe non dissimilem fabulam luderre potuerit natura, inficias neqve facile qvisqvam iturus est. (a) Verum qvi analysin instituere ossium illorum, qvæ gremio suo altissime condidit terra, interqve illos præcipuo loco nominandus Joa. Sam. Carl, Licent. & Medic. Ordin. O-ringensis (b) tantum abesse putat, ut mineralium classi dicta ossa sint inferenda, ut potius non veram modo structuram; sed & veram mixtionem ossium animalium habeant. Afferremus in gratiam lectoris libenter recensionem omnis probationis a viro experientissimo, præcipue per ignem institutæ, nisi temporis angustia brevitatem omnino imperaret. (c) Interim cum pro sua in politioribus litteris varia eruditione, Assessor Tribunalis hujus Regii, Nobiliss. Dn. *SIMON LINDHEIM* huic instituto & opellæ nostræ provehendæ admodum multum confer-

re dignatus sit, præsertim evocato  
per tabellarium e Muschovia den-  
tis Mamontini frusto non exiguo,  
qvæ de natura & indole resciverim  
ex illius analysi, qvam humanitati  
experientissimi Dn. D. & Prof. HER-  
MANNI D. SPRINGS debeo, qvin  
exscriberē & cum B. Lectore coñu-  
nicarē, effugere nullo modo potui:  
*Rationes, inquit, qvibus inducor ut credam*  
*frustum illud ossis fossilis Mammont di-  
cti, animalis potius, quam mineralis*  
*esse pro sapientia sunt sequentes:* 1:0 *Quod*  
*tota ejus substantia omni nota referat*  
*dentem elephantinum.* 2:0 *Quod Lamel-  
lae oœæ in illo perfecte possint demonstra-  
ri.* 3:0 *quod externa crux durior, suis*  
*tamen distincta Lamellis totum os cin-  
gat, uti solet in omnibus, omnium ani-  
malium dentibus.* 4:0 *quod cavitate in*  
*medio gaudet insigni, qvæ in ossibus*  
*plerisque, omnibusque dentibus semper*  
*adest.* 5. *quod inter limandum ingratum*  
*atque nanescendum spiret odorem, instar*  
*urinae recentis, vel sanguinis recens vena*  
*misi.* 6:0 *quod ejusdem limatura siccobs*  
*debita aquæ quantitate digesta, abeat*

in gelatinam, quæ ipso igne paulo diutius cocta, quietique postea commissa, in putridum liquamen degenerat, uti solent partes quæcunque animalium, hoc modo tractate. 7:0 Qvod eadem scobs carbonibus vivis inspersa dum deflagrat, fumos spargat fætidos urinosos, qui, si quid aliud, evidentissime salis alcalini volatilis, urinosi produnt præsentiam. Hunc vero (exceperis modo nonnulla vegetabilia quæ quoque fæta sunt) animalibus omnibus esse proprium, atque in minerali regno nunquam reperi, mineralogicæ atque chemicæ satis atque abunde teſtantur observationes. Quid? qvod & ipſe Tatiscowius a nobis cum honore ante nominatus, fateatur se quoque explorasse, ut docimastæ solent, ossa illa animalis Mamont, quæ mineralem quandam sub terris naturam contraxisse videbantur; non tamen potuisse deprehendere vel sulphur aliquod vel nitrum, vel vitriolum: quapropter judicat non mineralem quandam hisce ossibus inseruisse naturam, tellurem; sed dissipasse potius, quæ antea aderant, & plane in

in caput qvoddam mortuum transmutasse. (a) Ne qvid de *Tenzelio* dicam, q i qvæcunque in elephanto sunt ossa concava & fistulosa, medullis- que referta, ea in *Tennensi* suo sceleto etiam paria facere testatur, probatqve ex *Conringio*, non posse solidum intra solidum generari, neque naturam sibi relictam sine omnibus adminiculis, ossa undique perfecta condere (e) Meæ quantillæ judicandi facultati si qvem locum tribuerem, existimaverim quamdiu terræ depositum hocce communem ossium animalium modum non excedit, sed pro ratione ætatis in animali saltem variat, & figuram perpetuo eandem exacte retinet, tamdiu neque inter ludentis naturæ mineralis effectus referri queat.

(a) vid. J.D. Geyerus de montibus conchiferis

(b) in Lapi de Lydio Philos. Pyrotechnico, cuius recensio habetur in actis Erud. Lipsiens. A. 1704. pag. 190. 191. (c) Legi cuncta possunt, quæ attinent experimentum & analysin istam in Cl. viri citau-

citato libro. (d) vid. Acta Specie Literaria Ups. edita A. 1725. trimest. secund. pag. 36. seq. (e) Adis acta Erud. Lips. A. 1697. pag. 10.

## §. VII.

**P**ræmissis variis variorum sententiis de exuviis grandiorum animalium, terra reconditis, qvas pro gigantum ossibus orbi promiscue obtrudere non dubitavere antiquorum & recentiorum plurimi, restat ultimo loco inquirendum, quando, quomodo & quinam in terræ visceribus tam alte defoderint ista animalium hominumve cadavera; in primis cum illa rei minus cognitæ circumstantia tot conjecturis locum dedisse videatur. Quid apud Russos de repertis, sua ditione ossibus hisce, fama vulgatum sit, in antecedentibus notavimus. Quid de Monocerote in Ogygiano diluvio penitus absunto, cuius cornua multis Germaniæ locis etiamnum effodi putat C. Stalpartus van der wiel<sup>(4)</sup> sentiendum sit, nihil habeo dicendum

dum. Tenzelius removet eorum quoque conjecturas, qui elephantum quondam Tonnam delatum, ibique tumulatum finixerunt, iisque cum alia argumenta opponit, tum ipsam maxime montis arenosi rationem, qui diligentius inspectus nunquam se perfosum & deinceps rufus repletum manifestissime prodat, quibus singulis multo argumentorum apparatu probatis, nihil superesse ait praeterquam universale diluvium, in quo perierit cum aliis sui generis diversique animantibus elephas ille, undique immanibus raptus & jactatus, aquis tandem decrescere incipientibus, fundum petierit, cui aquae ista diversarum arenarum strata induxerint, iisque in superficie exsiccatis atra tandem humus sensim acreverit. In subsidium quoque vocat celebrium Medicorum Stenonis & Grandii de diversis illis stratis, Rudbeckii nostratis de atra humo, & Conringii de variis in Germania diluvii indiciis, observationes, iisque ad propositum applicatis, concludit, tandem aliam, hac memorata, probabiliorem rationem

41

onem vix ac ne vix qvidem investigari posse ad explicandum, qva occasione, tempore atqve modo olim ossa illa terræ penetralia tam alte subierint. Allatam Tenzelii sententiam cum nova, Clariss. Angli Joa. Woodwardi, circa naturalem historiam telluris, hypothesi, qvi conferre velit, utriusqve brevem recensionem in Actis Erudit. Lips. evolvat, ubi voto suo egregie satisfactum videt.

(a) In *Dissert. de unicornu adnexa obseruat. Rarior. Medic. Anatomic. Chirurg.* pag. m. 471.

### S. VIII.

**E**T certe non negaverim mihi quoqve præ ceteris conjecturam hancce probabilissimā omnino videri, nimirum qvod, pereunte sub diluvio universali, omni animalium genere, terræ aquis dilutæ implicata & immixta fuerint cadavera animalium, qvæ, subsidente aqua, deinceps in terræ visceribus com-

computruerint, salvis & incolumibus ossibus eorum; quæque inde quādiu non exposita fuere corruptiōni, quam in corporibus, mixtis præsertim soli expositis procurar aqua & aēr, integra & in posteritatem residua permanferunt. Tollunt autem omnem prope dubitationem animi plantæ, pisces, boum capita cornuta, echinni marini, conchyliorum genera varia in regione Bahūsiæ locis a mari longissime dissitis tanto numero existantia, ut non agris sc̄ecundandis solum, sed ad calcem præparandam quoque accolis inserviant. Et licet nullus ignorem, quæ de montibus conchiferis longiori terræ tractu a mari dissidentibus sentiat Joh. Dan. *Gejerus* Physicus Ratisbonensis) nimirum succo cuidam conchifero istis locis prodeunti per omnia deberi: Cum tamen qualitatem, hujusce generis, spiritus non pluribus explicet & a rerum naturalium peritioribus quoque observatum legimus ex conchis illis, nonnullas superficiem suam splen-

splendescentem etiamnum retinere, adeoque ab ævi injuria detrimenti nihil habuisse, ut cetera marinæ originis signa omittam: non facile qvisquam iis in locis easdem naturaliter generari adstructum ibit, sed diluvium vastissimum illud potius stupendam concharum quantitatem ibi deposuisse. Horum intuitu prout Reverendiss. *Benzelius*, ceterique historiæ naturalis periti de exuviis illis V-Gothicis consentiunt omnes, non hominis, sed animalis, & quidem belluae cujusdam marinæ, in primis balenæ reliquias esse: ita de Muschovitico animali *Mamont* alii non de nihilo existimabunt, elephanti videlicet, aut aliis grandioris animalis exuvias esse, quæ sub universalis diluvii confusione illis in locis subsederint, materiemque posteritati largam ultro citroque conjectandi fabulandiisque suppeditaverint; quin & huic conjecturæ præ ceteris fovendæ & amplectendæ faciem nobis prætulisse gratulamur ipsum illustr. *Tatishcovium*, cum non  
ali-

alios solum ad idem censendum per-  
svasos recenset, verum ipse qvoq;  
testatur elephantini capitis magni-  
tudinem æqvare *Mamontis* sui: imo  
ipsum se ægre adduci posse ad ha-  
bendam plebejæ famæ fidem, in-  
primis qvæ de animalis hujus sub-  
terraneis ossibus & cornibus mobili-  
bus divulgasset.

(a) *Jacobus a Mele Lubecensis myste*  
*sacrorum & horum quoq; mysteriorum*  
*sedulus scrutator Echinni hujus marini*  
*species varias, subsidente terra, in Va-*  
*gria Anno ccccxviii. repertas me-*  
*minit: quales echinni cum in mari bal-*  
*thico nulli inventantur, ad cataclysmum*  
*ille quoq; confugit factamq; in eo*  
*corporum omnium creatorum σύγκυσιν*

(b) *Schediasma de montibus conchiferis*  
p. 15.

### §. IX.

**P**Lura qvæ ad illustrandum ele-  
gans hoc argumentum face-  
rent, libenter conferrem, si ha-  
benda temporis ratio curam & me-  
di-

ditationem omnem non abrumpe-  
ret penitus. Neque enim diffiteor a  
me multa non indigna omissa, im-  
mo pro rei dignitate prope nihil a  
me dictum esse. Interim cum, ad-  
mota opellæ manu, a mutando con-  
silio abhorreret animus, merce-  
dem curæ a me insumtae amplissi-  
mam existimabo, si protractis in  
medium hisce studiorum deliciis,  
commilitoni alicui felicioris inge-  
nii salivam movere potuerim ad *plus*  
*ultra* tentandum in isto de ossibus  
gigantum certe non invenusto pro-  
blemate. Interea Te B. L. eni-  
xissime obsecro, velis mitem eo-  
rum, qvæ incomta Minerva festinan-  
ter scripsi, censorem Te præbere,  
& omnia benevolentia tuæ aura  
sublevare.

Soli Deo Gloria.



Clarissimo Dn, CANDIDATO,

F Allor? an antiquæ violatur sanctio le-  
gis,

Nec possunt umbris sua jura sacrata ma-  
nere?

Credunt Christiade, Gens barbara credidit  
olim,

Immortam legem: crimen violare sepulcra  
Morte peremptorum, concessaque corpora ter-  
ra

Tangere; nam pietas placide vult membra  
foveri,

Quæ grandæva urnæ quondam veneratio  
fudit.

Fallor; & hic disco quæ sit pia cura sepul-  
cri.

Quo ergo insigni tollam Te munere lau-  
dum?

Queis celebrem dictis nostri pars cara Ly-  
cæi?

Certe qui clariss sollers luctatur in arvis,  
Est immortali dignus virtutis honore.

Hinc precor auctori: ventis decurre se-  
cundis!

Donec sera dies, condet Tha membra see-  
pulcro,

Sed roddenda suo, fuerit dum tempus o-  
lympo.

JOH. B. ERVAST,